

ESTRATEGIA

da EIDO 2022-2026

Universidade de Vigo

EIDO Escola Internacional Área de Calidade de Doutoramento



HR EXCELLENCE IN RESEARCH



**OBXECTIVOS
DE DESENVOLVIMENTO
SOSTIBLE**



Estratexia da EIDO 2022/2026

Declaración da Misión

- A [Escola Internacional de Doutoramento \(Eido\)](#) da Universidade de Vigo é un centro de educación superior universitaria que ten o propósito de organizar, dentro do seu ámbito de xestión, as ensinanzas e as actividades propias do doutoramento, chamadas a representar un papel esencial no modelo de formación doutoral con base na universidade, pero impulsando a colaboración con outros organismos, entidades e institucións implicadas na I+D+i tanto nacional como internacional.
- En coherencia co [Plan Estratéxico da UVigo](#), persegue este reto mediante unha ensinanza e unha investigación de calidade coas que contribuír á creación e á transferencia de coñecemento ao tecido socioeconómico e empresarial, á formación integral das persoas, ao desenvolvemento, á innovación e ao crecemento intelectual da sociedade en xeral e a galega en particular, pluricultural e plurilingüe na que se insire.

Novas tendencias detectadas no grupo de traballo do proceso Dirección Estratéxica (abril de 2022)

- Integración laboral dos estudantes de doutoramento como investigadores que lideren a produción de coñecemento e innovación
- Difusión das actividades de doutoramento
- Implicación da oferta de estudos de doutoramento na [Axenda 2030 e nos ODS](#)
- Satisfacción coa atención inclusiva ou vulnerabilidade

Visión

Posicionar a Eido como un centro de formación de referencia na nosa contorna, na eurorrexión e con proxección internacional, a través dunha formación integral dos seus egresados e egresadas que contribúa a mellorar a vida das persoas e da súa contorna socioeconómica.

Considerando a visión e a novas tendencias, as seguintes liñas estratéxicas conforman a Política de Calidade:

- Desenvolver un modelo de **goberno transparente e participativo**, baseado nun comportamento ético e con especial atención ás singularidades e á responsabilidade social e sostibilidade
- Manter unha **oferta formativa** axustada ás demandas da sociedade en xeral e galega en particular, **sostible e con altos niveis de calidade** nos seus programas, sen renunciar aos fundamentos académicos da Universidade baseados no desenvolvemento do coñecemento, no espírito crítico e na capacidade de análise e de reflexión.
- Alcanzar o **recoñecemento, o posicionamento e a visibilidade** nos ámbitos académicos, profesionais e sociais nacionais e internacionais mediante a **excelencia na formación, así como na investigación e na transferencia de coñecemento** e, ao mesmo tempo, fomentando a **sustentabilidade e a Axenda 2030** na investigación.
- Captar **estudantado con talento**, impulsar a internacionalización e a multiculturalidade.
- Consolidar unha **cultura da calidade, da igualdade e da sostibilidade** centrada na satisfacción integral do estudantado e do persoal, a través dunha xestión eficaz e da consideración de estándares de calidade e de sostibilidade, en particular, dos Obxectivos de Desenvolvemento Sostible (ODS) aprobados polas Nacións Unidas.
- Acadar un **compromiso permanente de mellora** como norma de conduta, e propoñer e desenvolver as accións necesarias para o mantemento e a mellora da calidade.

No marco da estratexia da Eido, actualízanse os **Obxectivos de Calidade 2022/2026**

1. Obter a **acreditación institucional** da EIDO
 - Metas: Certificación da implantación do Sistema de Garantía de Calidade en 2023 e Acreditación Institucional en 2024
2. Mellorar a **satisfacción** do alumnado e dos restantes axentes implicados na formación doutoral, xerando un marco de confianza e de seguridade que facilite o progreso do alumnado, que evite o abandono, que mellore os seus resultados académicos, con atención inclusiva e ás vulnerabilidades e que o sitúe nunha posición de vantaxe competitiva ante a súa inserción no ámbito laboral ou de investigación para liderar a produción de coñecemento e innovación
 - Metas: Resultados de satisfacción (enquisas e outros -valores sobre 5_):

2022	2023	2024	2025	2026
3,8	3,85	3,9	3,95	4

3. Afianzar a **internacionalización e multiculturalidade** dos programas mediante a colaboración con universidades e con outras institucións de educación superior e a captación dos estudantes con mais talento facilitando a captación de estudiantado internacional
 - Metas: 50% de Mencións Internacionais en cada ano; e as seguintes porcentaxes de Estudantes Internacionais:

2022	2023	2024	2025	2026
28%	29%	30%	30,5%	31%

4. Mellorar a **formación do persoal** na calidade en doutoramento
 - Metas: cada ano, 100% das áreas académicas e 90% das CAPD con actividades formativas, e 1 actividade/ámbito para estudantes.
5. Implicación e difusión da oferta de estudos de doutoramento e das súas actividades, especialmente no relacionado coa **Axenda 2030** e cos **ODS**
 - Metas: % das teses defendidas que teñan relación con algún ODS para cada ano:

2022	2023	2024	2025	2026
9%	13%	17%	21%	25%

6. Co fin de posicionar á Universidade de Vigo como unha institución de investigación de referencia na nosa contorna, na rexión e na Eurorrexión, promoverase que o **persoal investigador en formación** desenvolva unha **actividade investigadora de calidade en aberto** para aumentar a visibilidade no ámbito internacional da actividade investigadora e da transferencia de resultados
 - Metas: contribucións científicas (de media) por estudante egresado para cada ano:

2022	2023	2024	2025	2026
2	2,5	3	3,5	4

A estratexia e os obxectivos serán obxecto de seguimento e revisión, se procede, anualmente.

A estratexia da Eido foi informada e validada na Comisión de Calidade do 28.09.2022 e aprobada no Comité de Dirección o 20.12.2022



